



Broj: 02-01-301/25
Sarajevo, 02.04.2025.godine



SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

Predmet: Odgovor na Zastupničko pitanje, dostavlja se

Poštovani/a,

Vezano za zastupničko pitanje sa 20. Radne sjednice upućeno od strane uvažene zastupnice Skupštine Kantona Sarajevo, gospođe Mariele Hašinbegović u kojem se postavlja pitanje čija je odgovornost za stanje u pojedinim grupama u JU „Djeca Sarajeva“, tačnije u vrtiću „Slavuj“ (odgojna grupa u 4.god života), vrtiću „Skenderija“ (odgojna grupa u 4.godini života), vrtiću „Zvončić“ (odgojna grupa od 3 godine do polaska u školu, odgojna grupa u 5.godini života, odgojna grupa u 6.godini života) i vrtić „Lane“ (odgojna grupa od 2-3 godine) u kojima je Inspektorat prosvjetne inspekcije iniciranim inspekcijskim nadzorom utvrdio manji broj djece u odnosu na standarde tj. da u tim grupama prema Standardima i normativima za predškolski odgoj i obrazovanje („Službene novine Kantona Sarajevo“ broj 46/16, 12/21, 20/22, 35/24 i 2/25) koje je donijela Vlada KS, nemaju minimalan broj upisane djece, dostavljamo slijedeći **odgovor**;

Poštovani,

Obraćamo Vam se u vezi sa pitanjem o popunjenosti odgojnih grupa u JU „Djeca Sarajeva“ na području Kantona Sarajevo, te kako bi Vas detaljnije informirali o trenutnoj situaciji, izazovima koje smo susreli, kao i stavovima menadžmenta naše ustanove.

Naša ustanova upravlja sa **39 objekata i 151 odgojnom grupom** raspoređenih na cijelom području Kantona Sarajevo. Kroz naš cjeloviti razvojni program, obuhvatili smo **više od 3000 djece**, što predstavlja našu posvećenost pružanju visokokvalitetnog odgoja i obrazovanja.

Međutim, važno je naglasiti da **JU „Djeca Sarajeva“ ne snosi odgovornost za grupe koje nemaju minimum broja djece**. Prije početka nove školske godine planira se broj odgojno-obrazovnih grupa koje se formiraju prema važećim Pedagoškim standardima i normativima KS, prema nazivu i broju djece koja mogu pohađati formirane grupe. Međutim, naša ustanova ne može utjecati na proces upisa djece jer upisni proces odvija putem **EMIS sistema**, kojem nemamo pristup sve dok se konkursni rok ne završi. S obzirom na to, proces upisa i popunjavanja grupa nije pod našom kontrolom, te ne možemo direktno utjecati na broj djece koji se upisuje u određene grupe.

Također, **EMIS sistem** dodatno otežava situaciju jer **djeca se filtriraju isključivo prema datumu rođenja i godištu**, ne uzimajući u obzir važnost specifičnih odgojno-obrazovnih potreba svakog pojedinca. Odgoj i obrazovanje nije samo proces upisa i popunjavanja mjesta u grupama, već se mora voditi računa i o potrebama djece sa poteškoćama u razvoju, kao i specifičnostima koje zahtijevaju individualizirani pristup.



Prije uvođenja ovog sistema, **na inicijalnim razgovorima i planiranjima**, uvijek smo se trudili osigurati da nijedno dijete ne bude oštećeno, te da grupe budu formirane na način koji uzima u obzir i specifične potrebe djece, posebno onih sa poteškoćama u razvoju. Nažalost, trenutna primjena EMIS sistema dovodi do situacije u kojoj **neke grupe imaju manjak djece**, dok su u većina grupa **popunjene** sa velikim brojem djece, uključujući i djecu sa težim poteškoćama u razvoju.

Ovo je dodatno otežano činjenicom da se prema Pedagoškim standardima i normativima, jedno dijete sa teškoćama u razvoju računa kao dvoje prilikom formiranja grupe. Time se stvara neravnoteža jer su u nekim grupama koncentrirani preveliki brojevi djece sa specifičnim potrebama, što opet, **ne našom krivicom, dovodi do kršenja Pedagoških standarda i normativa.** To nam stvara dodatne izazove u pokušaju da pružimo adekvatnu kvalitetu odgojno-obrazovnog rada, jer nije moguće osigurati optimalne uvjete za djecu sa različitim potrebama, a istovremeno osigurati pedagoške standarde koji bi trebali biti na visokom nivou.

Prilikom konkursnih rokova za prijem djece u predškolske ustanove **isključivo se vodimo instrukcijom i uputama Ministarstva za odgoj i obrazovanje KS**, te naše EMIS osobe u datim periodima formatiraju i tačno navedu broj raspoloživih mjesta za prijem djece u svim našim vrtićima i odgojnim grupama u kojima postoje raspoloživa mjesta, pritom poštujući sve rokove određenih faza propisanih Instrukcijom za upis djece. Uz sve ovo, želimo napomenuti da je **Ministarstvo za odgoj i obrazovanje Kantona Sarajevo** direktno upoznato sa situacijom jer ima pristup podacima o broju djece po grupama i svjesno je izazova sa kojima se suočavamo. Također, u više navrata smo **slali dopise resornom ministarstvu**, tražeći podršku i savjet kako bi se ova situacija riješila, te osigurala veća fleksibilnost u procesu upisa i formiranja grupa, kako bi svi naši odgojno-obrazovni radnici mogli nesmetano raditi u skladu sa pedagoškim standardima.

S obzirom na gore navedeno, smatramo da je potrebno hitno pristupiti evaluaciji i prilagodbi trenutnog sistema, kako bi se osigurala ravnoteža između poštivanja zakonskih i pedagoških normi te adekvatnog i profesionalnog odgojno-obrazovnog rada za svu djecu.

Zahvaljujemo na Vašem razumijevanju, te stojimo na raspolaganju za dodatna pojašnjenja ili razgovor u cilju što boljeg rješenja trenutne situacije.

S poštovanjem,



DIREKTOR

Ilida Bekrić